

默堂先生文集

歐陽先生文集

默堂先生文集卷第八

詩

三衢道中感懷寄龐幾先

霜風卷地號達曉不成雨游雲乍蔽虧朝日翳復吐衢梁
三日行去往迷處所茆簷得小休蔬飯不能舉所嗟兵火
餘白骨莽無主鄰邦歲又惡賈飯逐嫠女過糴彼何忍楚
越視心膂况欲賤取之不救溝壑苦生逢堯舜代短袖不
容舞空餘衛物心持此欲誰語故人幕中傑籌畫多所補
朝譽競推先丘壑終自許平生陳琳檄解使頭風愈容我
七子間從愛果輕與此生聽造物未怒祖公芋牧羊或可
息抱關亦易處要以一溉勤聊潤漢陰圃

二月五日入都廳久坐候山甫不至廳前桃花
一夜風雨落盡感事寫懷

簿書堆裏只匆匆過眼繁紅夜雨中可念青春看又老一
杯無計略從容

曉登嚴陵釣臺和安止所留詩

溪山有底好適契貧士欲敢論生不侯但喜夢非僕千秋
釣臺水不濯市朝足而我獨何人得寓塵埃目攜筇縱朝
步初日穿林麓西風扶兩腋一舉千里鵠東窺夫差國繁
華混真俗濁流駕頽波一往不可復之子居其間嗜古追
前躅為寄無絃琴一和郢中曲

再用前韻

人閒得安眠夢斷了無欲那思趨朝士一馬百夫僕況聞
稻苗盛昨夜新雨足一飽如可期吾事豈多目益山蠻葱
菁酌水周其麓照我本來面真白非浴鵠故應此間住却
掃便違俗超然寂照中無往亦非復百年只爾是行矣毋
躑躅區區欲何為世路羊腸曲

過崇仁莫宿山寺書事

驛路塗泥一尺深竹輿高下歷千岑愁霖洗盡梅梢雪把
酒無人慰此心

自梅花村回道中書壁四首

刺水秧針出已齊雨餘膏澤未全犁道傍牛喘無情問慚
愧林間布穀啼

綫路縈紆遶亂山
荀興追逐棘林間
艱難那解蘇疲瘵
自笑奔馳未得閒

野花無數不知名
映竹臨流若有情
掃盡殘紅春去後
亂山深處眼增明

城郭初看委地紅
川原今見綠蒙茸
驚人節物催華髮
留滯窮山醉夢中

邑中諸公見和再用前韻

郭外盈疇草又齊
十年猶負帶經犁
未應五斗能留我
端為癡兒索飯啼

馬上悠悠夢故山
茆齋依舊水雲間
長懷竊轡塵沙外
豈願駢頭十二閑

冷艷幽香不可名
老年春去獨關情
林深霧暗何由見
賴有薰風為證明
看盡愁人萬點紅
曉來霜鬢白於茸
它時儻記江南夢
盡我黃梅細雨中

被檄下鄉督稅作釋負

詔書寬逋負
國用豈云闕
郡邑有常供
征求安敢輟
稽遲推蚕莫鈞摘
劇毫髮飢民困
鞭箠十室九告竭
連雨催早稻
雪穗迷空闊
要令公私辦
當復俟旬月
平生慮患深
獻玉每遭刑
憂民已無策
問俗聊省罰
陽城吾所慕
晚官敢求達
寧無撫字心
便覺催科拙

夏日雨後戲書

雷霆挾雨驚殘夢，蕭艾乘風醒宿酲。
黃檠一盃清晝永，張羅誰復問交情。

與張司錄

沈李浮瓜記昔游，重來氎帽映貂裘。
乘風喜見經旬御，泛雪難留半夜舟。
坐上談機通一馬，筆間詞刃失金牛。
尊前它日論詩地，柱後微文阻獻酬。

時自郿中來經安福到縣已十餘日乃雪中往返故

用乘風泛雪事

奉和司錄道中二首

山行

浪縈浮花逐去程，疏紅應恨水無情。
簷間頗厭催歸語，木杪空憐喚友聲。
念遠却回鴻陣急，忘貧重到燕巢成。
待憑

物理追風御懷抱如今喜盡傾

偶成

雲露橫翔計似疎二原清賞更誰如池塘艸滿供詩夢烟
雨春來入畫圖落莫早知貧是病參池今悟直為迂傍人
大笑公馬取為說忘機或類吾

和司錄行縣道中偶風雨有感之作六首

葉底鶯初轉枝頭蝶漸稀雨餘憐草長風定恐花飛遲暮
歌終寔淹留嘆式微更堪西去雁聲逐晚雲歸

吏隱深藏霧天游更御風分攜妨舉白轉眄忽堆紅北去
豺狼盡春回雨露同向來相對飲應復念鄰翁

非關濃艷能傾國可是幽香解返魂正爾彫零廢吟賞欲

留佳麗度晨昏

酴醾臥雨有餘態
芍藥倚風無限情
正是江南花欲盡
淡雲來往日微明

山頭漠漠烟藏樹
山下潺潺水滿溪
金勝長安花柳陌
萬人塵裏逐輪蹄

江山似為詩人設
風雨故應春日多
醉裡吟哦聊自適
眼前開落莫誰何

饒州張宏中挽詞二首

壯歲英標冠士林
暮年詩酒任浮沈
竒姿不見臨風玉
妙語空傳擲地金
殘稿有誰知句眼
斷絃何處覓琴心
他時戲笑成陳迹
惆悵江亭十畝陰

公所居處臨流為亭
時同賓友燕賞其中

盡棟雕甍照水村，簪裳多在脊令原。
百年得計南山豆，萬事忘懷北海尊。
自首功名何世乏，迄今文字幾人存。
遺書儻有毫芒在，為語韓公請備論。

次韻李聳卿

前輩風流曉露零，忽逢豪士壯心驚。
雷霆落筆千人掃，珠玉成詩萬戶輕。
應許翰林追敏捷，肯容閑府闕新清。
向來乞米無佳傳，端欲投瓜趣報瓊。
以來詩有諛蕃之戲

次韻李聳卿賀太守禱雨有應二首

一寸丹誠貫上穹，坐令千里走龍宮。
驕陽彌月苗將槁，甘雨連宵澤已豐。
便覺風雷傾意盡，豈愁荆棘致年凶。
江南歲漕知無缺，遙想中都喜氣同。

使君憂國願年豐肯放炎威久病農盡道胸中藏渤海誰
知筆下起蛟龍曉涼秋氣生蘄簟夢斷簷聲帶梵鐘高臥
已傳民訟息祇應仁政古難逢

歸自郡城見道中山礬盛開

梅豆斑斑已滿枝暗香猶未吐酴醾和風暖日江南路正
是山礬爛熳時

香嚴寺洗足

肩輿苦頓撼步入山間路崎嶇歷荆榛砂礫窘芒屨披雲
造蕭寺弛擔日已暮僧房急解襪一洗塵泥汙瓦盆深及
膝湯煖得頻注須臾和氣達凜凜毛髮豎脩然入無何醉
夢寧知處此生事奔走早晏失期度念茲頃刻閒百日不

一遇啖蔗入佳境鐘響忽予寤蒲團赴微火默坐聊箕踞
明朝塵沙黃莫憶少陵句

山寺早梅三首

竹籬茆舍近前溪烟淡風微月上遲認得暗香來去處夜
寒無路覓橫枝

冰雪情懷未遽開芝蘭風味已先回故人隔歲無因見一
夜月明何處來
丹萼猶含綽約肌水邊籬落雪晴時此間妙得無言意只
有西湖處士詩

又題山寺二首

雲間初日慘無光天外歸鴻豈戀行短景去人如掣電不

應留滯野梅香

雲母燒香不見烟夜深齋閣閉龍涎此生暇日真難得蕭寺重來已四年

即席和焦貫道

馬上無端髀肉消老來功業正寥寥便須舉白追年少莫恨紅粧不我饒

趙元述慶得子次韻

貧家豈有石麒麟說夢哦詩愧杜陵但得過庭追孔鯉不愁傳鉢欠盧能

和周唐獻郎中登晉光寺閣

官閒竟日身無事雨過連巒氣似熏未暇含香朝瑣闥且

來飛爲躡青雲九天已振搏風翼萬目難藏隱霧文誰凭
危欄親玉唾笑談應復許隨群

默堂先生文集卷第八

1

御席和歌書

馬王無嫌辭國消若來功業正累家便煩舉白進年
恨紅粧不我曉
慈堂夫主授車春霞於子次韻

有客豈有石麒麟說夢魂倚愧杜陵但得遊處近死裡不
愁傳外人虛寵

蘇軾詩集卷之五

來孫志學青雲天也射書海翼萬日難殘劍喜文臨說

默堂先生文集卷第九

詩

寄曹載德諫議二首

不將塵土嘆徒勞，白首驅馳任所遭。
鸞鳳尚能安枳棘，鸞鳩何敢厭蓬蒿。
論材競欲推囊穎，備物何由數澗毛。
末路固窮真自許，未應延頸試鳴號。
晚途無復計行藏，挫楚塵埃祇自傷。
未即賣刀歸買犢，自憐挾策亦亡羊。
已無竿犢勤毛穎，肯為簞瓢念孔方。
尤喜故人書斷絕，不將栖棘戲仇香。

茂實被檄權永新以詩寄之

澗松那可比山苗，謾說凌寒有後彫。
更向雞蟲論得失，何